

ՆՈՐԱԾԻՆՆԵՐԻ ԼՍՈՂՈՒԹՅԱՆ ՍԿՐԻՆԻՆԳԻ ԾՐԱԳԻՐ

Կալիֆորնիայի առողջապահական ծառայությունների վարչությունը (DHCS), Երեխաների բժշկական ծառայությունները (CMS) ներդրել են Նորածինների լսողության սկրինինգի համապարփակ ծրագիր (NHSP)՝ նորածինների մոտ լսողության կորուստը հայտնաբերելու համար: NHSP-ը օգնում է ուղղորդել ընտանիքներին հաղորդակցման հմտություններ զարգացնելու համար անհրաժեշտ համապատասխան ծառայություններին:

Կալիֆորնիայի հիվանդանոցներում ծնված նորածինների ընտանիքներին, որոնք DHCS-ի կողմից հավաստագրված են NHSP-ին մասնակցելու համար, կառաջարկվի հնարավորություն անցնելու իրենց երեխայի լսողության սկրինինգ: Հիվանդանոցում սկրինինգը չանցած նորածինները դուրս գրվելուց հետո կուղարկվեն լրացուցիչ հետազոտության:

DHCS-ը պայմանագիր են կնքել Լսողության համակարգման կենտրոնների հետ՝ հիվանդանոցների հետ համագործակցելու լսողության սկրինինգային ծրագրերի մշակման, որակի ապահովման միջոցառումների իրականացման և լրացուցիչ ծառայությունների կարիք ունեցող նորածիններին հետևելու համար:

Ինչպե՞ս ենք լսողության սկրինինգ անցկացնում:

Նորածնի լսողության սկրինինգը կատարվում է մոր և երեխայի հիվանդանոցից դուրս գրվելուց առաջ: Սկրինինգը տևում է ընդամենը մի քանի րոպե, մինչ ձեր երեխան քնած է: Մեղմ ձայներ են հնչում հատուկ նորածինների համար նախատեսված ականջակալներով: Ձեր երեխայի արձագանքը ձայնին ավտոմատ կերպով կչափվի Օտոակուստիկ արտանետումների (OAE) կամ Լսողական ուղեղային ցողունի արձագանքի (ABR) միջոցով:

Այսօրվա հեշտ սկրինինգի մեթոդները շատ հուսալի են: Հազվադեպ է պատահում չհայտնաբերել երեխայի լսողության կորուստը:

Ո՞վ է վճարում լսողության սկրինինգի համար:

Ապահովագրությունը սովորաբար ծածկում է նորածնի լսողության սկրինինգի արժեքը: Medi-Cal-ը կվճարի որակավորված նորածինների սկրինինգի համար:



Քանի՞ նորածին ունի լսողության կորուստ:

Լսողության լուրջ կորուստ հայտնաբերվում է 1,000 նորածիններից 2-4-ի մոտ: Լսողության կորուստ ունեցող նորածինների մոտ 50%-ը չունի որևէ հայտնի նշան կամ ռիսկի գործոններ, ինչպիսիք են լուրջ հիվանդությունը կամ խլության ընտանեկան պատմությունը: Որոշ նորածիններ լսողության կորուստ են զարգացնում կյանքի ուշ շրջանում՝ ականջի կրկնվող բորբոքումների, մենինգիտի, գլխի վնասվածքի կամ այլ բժշկական խնդիրների պատճառով:

Երբեմն նորածինները կորցնում են լսողությունը, և պատճառը երբեք հայտնի չէ:

Ինչու՞ ստուգել երեխային:

Լսողության կորուստը կարող է անտեսանելի լինել: Այժմ տեխնոլոգիան հնարավորություն է տալիս հայտնաբերել լսողության կորուստը երեխայի կյանքի վաղ օրերին:

Երեխայի կյանքի առաջին ամիսներն ու տարիները շատ կարևոր են հաղորդակցման հմտությունների զարգացման համար: Լսողության կորուստ կամ խլություն ունեցող երեխան կարող է դժվարություններ ունենալ նորմալ լեզվական հմտություններ զարգացնելու հարցում կամ կարող է լավ չսովորել դպրոցում: Ահա թե ինչու է կարևոր վաղ հայտնաբերել կորուստը և հատուկ ծառայություններ մատուցել երեխային ու ընտանիքին:

Ամերիկյան մանկաբուժության ակադեմիան և այլ մասնագիտական կազմակերպություններ խորհուրդ են տալիս լսողության սկրինինգ անցկացնել բոլոր նորածինների համար և խրախուսում են երեխաների լսողության մանրակրկիտ մոնիթորինգը վաղ մանկության տարիներին:

Լսողության և խոսքի փուլերն ըստ տարիքի

Տարիք	Լսողության և խոսքի փուլեր
Ծննդից մինչև 3 ամիս	» Լռում է ծանոթ ձայներ կամ հնչյուններ լսելիս » Արձագանքում է բարձր ձայներին, երեխան վախեցած է, թարթում է, դադարում է ծծել, լաց է լինում կամ արթնանում է: » Արթուն լինելիս մեղմ ձայներ է արձակում, երեխան մրմնջում է

Տարիք	Լսողության և խոսքի փուլեր
3-ից 6 ամիս	» Աչքերը կամ գլուխը շրջում է դեպի ձայները, աղմկոտ խաղալիքները, շան հաչոցը » Սկսում է արտաբերել խոսքի նման հնչյուններ՝ «գա», «ուհ», «բա» և «պ», «բ», «մ» հնչյուններ: » Արձագանքում է ձեր ձայնի տոնի փոփոխությանը
6-ից 9 ամիս	» Արձագանքում է իր անվանը և շրջում է գլուխը, երբ նրան կանչում են » Հասկանում է պարզ բառեր՝ “no,” “bye-bye”, “juice” » Բլբլում է՝ “da da da,” “ma ma ma,” “ba ba ba”
9-ից 12 ամիս	» Արձագանքում է թե՛ մեղմ, թե՛ բարձր ձայներիս » Կրկնում է առանձին բառեր և ընդօրինակում կենդանիների ձայները » Մատնացույց է անում սիրելի խաղալիքները կամ սնունդը, երբ հարցնում են
12-ից 18 ամիս	» Օգտագործում է 10 կամ ավելի բառ » Հետևում է պարզ բանավոր հրահանգներին՝ «վերցրու գնդակը» » Մատնացույց է անում մարդկանց, մարմնի մասերին կամ խաղալիքներին, երբ հարցնում են » Ցատկում է երաժշտության տակ
18-ից 24 ամիս	» Օգտագործում է 20 կամ ավելի բառ » Միավորում է 2 կամ ավելի բառեր՝ «ավելի շատ հյութ», «ի՛նչ է դա»: » Բառերի սկզբում օգտագործում է բազմաթիվ տարբեր բաղաձայններ՝ բ, գ, մ » Լսում է պարզ պատմություններ և երգեր

Տարիք	Լսողության և խոսքի փուլեր
2-ից 3 տարի	» Օգտագործում է 2-3 բառից բաղկացած նախադասություններ » 2 տարեկանում մարդիկ կարող են հասկանալ, թե ինչ է ասում երեխան որոշ դեպքերում (25%-50%) » 3 տարեկանում մարդիկ կարող են հասկանալ, թե ինչ է ասում երեխան գրեթե միշտ (50%-75%) » Հետևում է երկքայլ հրահանգներին՝ «վերցրու գնդակը և դիր սեղանին»

Լսողությունը կարող է ստուգվել ցանկացած տարիքում:

Կալիֆորնիայի Նորածինների լսողության սկրինինգի ծրագրի նպատակն է հայտնաբերել լսողության կորուստ ունեցող նորածիններին և կապել նրանց ծառայությունների հետ մինչև վեց ամսականը: Ծրագիրն ունի լսողության համակարգման կենտրոններ, որոնք համագործակցում են ընտանիքների, առողջապահական ծառայություններ մատուցողների և հիվանդանոցների հետ՝ ապահովելու համար, որ երեխաները ստանան անհրաժեշտ ծառայությունները:

Նորածնի լսողության սկրինինգի ծրագիրը հավաքում է տեղեկություններ ձեր երեխայի լսողության սկրինինգի վերաբերյալ՝ համաձայն Առողջապահության և անվտանգության օրենսգրքի 124119 բաժնի: Լսողության համակարգման կենտրոնները կարող են օգտագործել այս տեղեկատվությունը՝ ձեզ և ձեր երեխային անհրաժեշտ ծառայությունները ստանալու հարցում օգնելու համար: Հնարավոր է, որ Լսողության համակարգման կենտրոնը կապվի ձեզ հետ հետագա ծառայությունների վերաբերյալ:

Լրացուցիչ տեղեկությունների համար՝

- » Զանգահարեք 1-877-388-5301 անվճար հեռախոսահամարով կամ այցելեք մեզ www.dhcs.ca.gov/services/nhsp կայքում: